

夔一足题词序

吾湘多忠愤杰出之士昔曾文正定粤难左文襄拓回
疆一时猛将搴旗轻躯赴义号称敢死军至今流风未
艾观於胡君锡吉窃有感焉锡吉字志学湘阴人也年
十五应募为兵隶文襄部下转战关陇积功至守备乙
未之役充老湘后营哨长从李龚爵攻倭於牛庄战失
利后营营官谭桂林军门死之锡吉奋不顾身驰入敌
阵夺其尸以出甫出阵右足连中飞弹前行十数步踏
地遂成擒拘囚海城六阅月和议成释归天子悯其忠

遣回籍给予原官全俸以终余年道过申江西医续以
木足步履复常旋奉刘岷帅文凭归湖南抚标左营遣
用事之梗概如此呜呼鬻拳兵谏楚予自刖其足君子
尚许其爱君而况亲冒矢石残躯锋镝之下乎后之视
今亦犹今之视昔当道君子庶几歌咏其事播之管弦
而使后之勤劳王事者足以有所感激而奋发焉可也
岂但慰其忠愤之忱乎哉胡君年四十余甚慷慨为予
述牛庄战事出视以足距股仅尺许枪瘢累累然且言
曾与法夸战枪子亦横洞其肋云纍

赐进士出身刑部右侍郎江苏督学使者攸水龙湛霖撰

夔一足题词

五言律诗

百战偏裨将临危七尺轻夺骸酬故主裹革矢平生辽
鹤归来梦湘累怨裴情再闻

温诏下感激涕纵横

莫笑跛能履形亏神独完朝官空撇靴

天步属艰难选将今尤亟要盟昔屡寒十年重浩劫辽
海恨漫漫

奉赠

志学守戎仁兄以志钦印

翰林院编修国史馆纂修湖南督学使者钱塘吴庆坻

甲辰五月湘潭舟中书

太息东征事连营溃可哀如君真健者虽败亦荣哉马
革怜同泽鸢肩识异才愿将夔一足图画上麟台
血肉横飞际艰危不顾身强军无懦卒义士亦忠臣涕
泪倾仇敌扶持动鬼神全躯忘国耻袞袞尔何人
志学守戎仁兄大人指政

赐进士出身二品衔湖南补用道世愚弟林世焘拜题

夔一足题词跋

夔一足诗集同人赠胡君之作胡君以守备从李健斋
观警血战牛庄亡其一足天下怜之余於乙未冬薄游
山海关是时和议成老湘营撤防驻关每当夕阳西下
余乘款段徘徊麦陇间与营卒谈牛庄战事见其衣襟
间血涔涔滴询之愀然答曰二月初八日之战以一千
八百人力战自午至酉伤亡者七百余我辈幸免疗
伤无费主帅以战失利勿怜也余悲其语旋入关於陈
舫帅座中晤健斋健斋慷慨谈牛庄战事且云有胡哨

弁者负其营主尸走数十步中炮仆以为阵亡报部得
卹云骑尉世职不意和议成日本归胡弁亡其一足余
责其不死胡弁云炮折一足遂晕绝苏则红十字军已
昇入敌营医其右足愤不欲生以带自勒其喉气上涌
咯咯作声守者觉驰断其带以故不能死余悲其语以
是识胡君今同人歌咏其事余知胡君何忍瞻顾缄默
而不言光绪戊戌重阳长沙饶智元跋